

علوم اقتصادیہ و اجتماعیہ

مجموعہ علمی

ہر ایک پر تجویز گوئی نشر اولیاد

مؤسسہ

الحمد شعیب ، رشاد قریب ، محمد جبار

موضوعات

پورے معاملاتی : — روحیہ : احمد شعیب ، — پودجہ :
دائرہ : احمد قریب ، — اصول عمومیہ تکالیف : ناظم راغب —
اصول مذکورہ عینہ : سافری ارتاق ، — خزانہ اختلال
کبری : احمد شعیب ، — حقوق اساسیہ : رشاد قریب —

مدیر و صاحب انتشاری :

محمد جبار

ایکشنبہ : ۱۰ غروب

انتشاریہ

انور ادارہ و تحریر : طین مطبعہ

۱۳۳۶

دوره مالیه‌نک حلولدن اول بودجه‌نک مذاکره و تصدیق

بودجه‌نک تصدیقنده تطبیق اولنان قاعده - بودجه‌نک تنیدی ، علی‌الحساب صورتنده ویریلن تخصیصات ، موقت بودجه‌لر .

مصارف عمومیه‌نک تعید و تأدیہ‌سندن اول پارتیو طرفدن قوه اجراشییه ماذونیت اعطا ایدلمی خصوصی همان باجمله ممالک متصدنده قبول اولمش بر قاعده حکمنه کیرمشد . بوراده نظر دفته المقیاسته دیکمز جهت خصوص مذکورک نه درجه لازم اولدیغی و بالخاصه بودجه‌نک دوره مالیه‌نک ابتداسندن اول عدم تصدیقی حالنده خدمات عمومیه‌نک سکتہ‌دار اولماسنه محل ویرمه‌مک اوزره نه کبی تداییره توسل اولنه بیله جکی در .

مصارف بودجه‌سی خدمات عمومیه‌نک اجرایی تأمین ایلک اوزره قوه تشریعه طرفدن قبول اولنان تخصیصاتک صرفی خصوصنده حکومت اجراشییه ویریلن بر ماذونیتدن عبارت اولدیغی جهته مذکور بودجه‌نک سنه مالیه‌نک حلولدن اول تصدیق غایت طبعیدر .

واردات بودجه‌سی دخی : نکالغک امر تحصیل خصوصنده قوه تشریعه‌نک بر مساعدسی کبی تلقی اولنه کلدیکندن اکثر ممالک متصدنده دوره مالیه‌نک حلولدن اول تصدیق ایدیلکده در .

بودجه‌نک دوره مالیه‌نک حلولدن اول تصدیق کیفیتک ، ایلک نظرده مساعدہ مقدمه (autorisation préalable) قاعده مالیه‌نک بر نتیجه طبعیه‌سی کبی تلقی اولنمی طبیعی کورونور ایسهده حقیقده بو طرز تلقینک طوغری اولمادیغی قولایلقه نظامر ایتکده در .

بر مصرف تعین و تعهدی و یا معین بر وارداتک تخصیصی خصوصاً
 قوه تشریعی طرفین اعطاء اولان هرر مساعده اساساً قاعده مذکورده
 تطبیقندن باشقه بر شی دکلدر . بودجه قانونی دوره مالیه نک حلولندن
 اول قبول و تصدیق اولدینی تقدیردایه اصول مذکورده رعایت اولمنش
 اوله جنی بدیدر . آنجق دوره مالیه انسانده بر طاقم مصارف احداث
 و یا تکالیف جدیده طرحی قرارگیر اوله جق اولورسه بویابده قوه تشریعی
 طرفیند ویریه جک ماذونیتک تماماً قاعده مذکورده موافق اولدینقی
 فقط بودجه قانونیندده کاملاً آیری اولدینقی اونو تماماً لدر .

بودجه نک دوره تطبیقه سی انسانده قوه تشریعی جه قبول ایدیلن
 تخصیصات منضمه نظریه سی بودجه نک ، دوره مالیه نک حلولندن اول تصدیق
 خصوص نک مساعده متقدمه قاعده نک بر نتیجه قطعی سی کی قبوانه لزوم
 اولدینقه غایت واضح بر دلیل تشکیل ایتکده در . هرایکی قاعده آره سنده کی
 فرق آشکار اولنقه برابر امور مالیه نک طرز اداره سی تحت انتظامه آلق
 ایچون مساعده متقدمه قاعده مالیه نک بودجه نک دوره مالیه نک حلولندن
 اول تصدیق اصولیه آتامی مناسب اوله جنی بر حقوق متخصصین طرفین
 در میان ابدلکدر .

فی الحقیقه بودجه دینلن بر کل داخلنده بالمعوم واردات و مصارف
 جمع ایله تصدیق ایتک نه قدر قانده لی ایسه مصارف عمومیه یی پارچه پارچه
 تصدیق ایتک ، وارداتی هیئت عمومیه ییله مناقشه و قبول ایتمه مک و خصوصیه
 واردات ایله مصارف یکدیگریله مقایسه نه توسل ایتمه مک ده اودرجه
 تهلیک ایدر . محاذیر مذکورده نک وجودی بودجه نک دوره مالیه نک حلولندن
 اول تصدیق خصوص نک نه درجه الزم اولدینقی اثبات ایتکده در .

دیگر بر نقطه نظر دن تدقیق کیفیت اوله جق اولورسه مصارف و واردات
 بودجه لرینک معین بر دوره ظرفنده حکومت ایچون برسیاسی پروگرام
 تشکیل ایتدکاری آکلاشیلیز . آرزو اولان نتیجه نی استحصال خصوصنده

بویله بر پروغرامك اولجه قبول وتصدیقیه حین تطبیقده قبول خصوصاً نده کی
فرق ایسه بدیدر .

بودجه نك دوره مالیه نك حلولدن اول تصدیقی ایجاب ایتدیرن
اسبابك بری ده معارف بودجه نك تربید وتقصی و واردات بودجه نده
تكالیفك اصلاحی خصوصاً نك تأخراته میدان ویرمکترین تطبیقك آنجق
بوصورتله ممکن اوله جنی در . فی الحقیقه معارف و واردات بودجه لری دوره
مالیه نك حلولدن اول قبول ایدیه جك اولورسه قوه تشریعه جه قبول ایدیلن
اصلاحات وتعدیلاتك سئمالیه نك حلولیه برابر تطبیقی تأمین ایدیه بیه جك ؛
بودجه نك دوره تطبیقه اناسنده مذاکره وتصدیقی حائده ایسه اصلاحات
وتعدیلات مذکورده نك موقع تطبیقه وضی هیچ اولمازسه بودجه نك تأمین
تصدیقه قدر دوچار تأخر اوله جتدر .

بودجه نك دوره تطبیقه اناسنده تصدیقه طرفدار اولانلر بواصول
سایه نده حكومتك صوك دقیقه قدر بودجه تخمیناتی تصحیح
ایدیه بیه جكنی وبالاخره تخصیصات منضمه قبولیه موازنه مالیه نك اخلاص
میدان ویریه جكنی در میان ایتكده درلر . حالبوكه قائده مذکورده نك پاك
ظاهری اولدینتی نظردقه آفاق لازمدر .

بودجه نك منظمأ دوره تطبیقه اناسنده تصدیقی اصول ، دائرة اطرا ده
ادخال ایدیش تخصیصات منضمه اصولك قبولدن باشقه برشی دكندر ؛
بواصولك مضرتلری ایسه تماماً معلومدر ؛ خصوصیه بالاخره تخصیصات
منضمه استحصال ایدیه جكي امیدیه بودجه تخمیناتده حكومت طرفدن
تأمین موقع اینچون اجرا ایدیه جك تنقیصارك نه كچی سوء استعماله
میدان آچه جققی تخمین ده کوچ دكندر .

ایسته بتون بو محاذیر نظر دقه آللهرق بالعموم ممالك متدنه ده
بودجه نك دوره مالیه نك حلولدن اول تصدیقی اصول قبول ایدیش وقتق
احوال فوق السادته ، دوره مالیه نك حلولدن اول بودجه نك تصدیقه

مانع اولی احتیالی ده نظر دفته آله رق بودجه سزك یوزندن ظهوری ملحوظ محاذیره میدان ویرمه مك ایچون برطاقم تدایره نوسل ایدمشدر . تدایر مذکوردهك باشلیجه لری ، یكی بودجهك تصدیقه قدر ختام بولان دورده مالیه بودجهك تطبیقی خصوصنده حكومت مساعده اعطای ، و یا خود مصارف و وارداتك تأمین اجرا و تحصیلی خصوصنده قوه تشریعیك مساعده خصوصیه ده بولماسی اصوللریدر .

بویكی صورت تسویه دن بالخاصه ایكجیدی ترجیح ایدلمكده در . بواسولك تطبیقی قوه اجراییه نی پالمتو موجود بولندجه ایضای وظیفه دن منع ایتمكده و بویلهجه حكومات حاضرده بودجه قانوننه عطف اولنان اعمیتی كوستر كمكده در .

برخی اصول ، یعنی اسکی بودجهك دوام تطبیقه مساعده اولماسی مجالس عمومیهك بودجه واسطه سیله حكومت اوزرینه اجرا ایدم بیلجهك لری حق تفتیش و تنقیص تنقیص ایلمكده در .

« مساعده خصوصیه » autorisation partielle « اسولك دیگر بر قانده سی ده قوه تشریعیه اعضاسك منتظم دورده اجتماعیه لر طرفدن ایضای وظیفه ده دعوت اولنه جق لری نی تأمین ایتمش اولماسیدر .

مصارف و وارداتك اجرا و تحصیلی خصوصنده قوه اجراییه مساعده خصوصیه اعطای ایكی صورتیه واقع اولنه یایر .

اولا : « علی الحساب » acompte « تخصیصات اعطای ، ثانیاً : « موقت بودجه » douzième provisoire « قبولی علی الحساب اعطای تخصیصات اسولنده قوه تشریعیك حكومت اجراییه ده ویردیكی مآذونیت یالکتر صرفیاته مقتضی مبلغك مقدارینه عاندر . موقت بودجه اسولنده ایسه بومآذونیت یالکتر مقداری دكل ، مقدار مذکورك صرف اولنه جنی دوره نی ده محدود ایتمكده در .

علی الحساب اعطای تخصیصات اصولی قبول اولندیقی تقدیرده قوه

اجرائیه به بانکز مصالح حکومتک تدوینی ایچون انزم مصارفک تعیند
وتادیسه ماذونیت اعطایدملکله اکثرا اولتقدددر .

بنائغایه وارداتک تحصیلی ویا واردات جدیده اخدائی خصوصنده اصول
مذکور دائررسنده حرکت ممکن دکلدرد .

موقت بودجه اصولی ایسه عمومی یعنی هم مصارف وهمده واردات
بودجه لری ایچون قابل تطبیقدر .

موقت بودجه اصولنده مصارف ووارداتک اجراوتحصیلی خصوصنده
قوانین موضوعیه ویایکی اساسله تبعاً ویریلن ماذونیت بر ، ایکی ، اوچ
واحد ... آیلره حصر ایدملکدهدر . آنجق قوانین موجوده ایله، تحصیل
اوانه جق مبالغک مقداریخی تحدید ممکن ایسهده آتییه نائده مصارفائیینه
اوقوتونارایله تماماً مقید قیلق ممکن اولدیغندن قوه شریعه موقت بودجهی
قبول ایله حکومت اعطای مساعد ایلدیکی سردهده مساعدسنی یالکزر
زمان ایله دکل مقدار ایلهده مقید بولندیرمنه مجبور بولتقدددر . متخصصین
مائیه بویکی اولدن باخرامه ایکنجینه طرفدار بولتقدده وسبب ترجیح
اولبرق دلائل آتییهی درمیان ایتمکدهدرلر :

اولا ، علی الحساب اعطای تخصیصات اصولنده یالکزر مصارف
بودجهسی موضوع بحث اولتقدده ، موقت بودجه اصولنده ایسه هم مصارف
همده واردات نظر دفته آلتقدددر .

ثانیاً ، عمومی بودجه تک احتضارایله قوه شریعه طرفدن نه مدت ظرفنده
تصدیق اولده جغنی اولجه تعین ممکن اولدینی حالده دوره مذکورده اشناسنده
اجرا ایدایله جک مصارفک مقداریخی تماماً تخمین حکومت ایچون پک مشکلدرد .
موقت بودجه اصولنده زمان قیدی موجود اولدینی ایچون وارداتی واسع
برمقیاسده تعین وبالاخره تظاهر ایدجک خطیاتی تصحیح قابلدرد . حالبوکه
علی الحساب خصوصنده بصورتله حرکت امکان موجود دکلدرد . ثالثاً ،
موقت بودجه تعیری اتخاذ اولنان اصولک استثنائیتی اظهارده کفیدرد .

موقت بودجه‌ی تودیع و تصدیق ایتمکله قوه اجراییه و تشریعیه اولجه اکلی لازم اولان براسرک آتامی ایچون برفاق هفته‌لی مهلت آلمش اولیوز لر دیمکدر . بو استنایت خالی ، علی الحساب اصولده مشهود اولماقده در . بناء علیه بو حالدن بالاستفاده حکومتک علی الحساب اعطای تخصیصات اصوله منتظماً مراجعتله بودجه‌نک دوره تطبیقه اناسنده تصدیقی اصول سقیمنی تأمین ایتمی هیچ‌ده کوچ دکلدرد .

بورجه‌نک تصریفنره قاعده اساسیه

بودجه‌نک دوره مالییه‌نک حلولندن اول تصدیقی اصولی حکومت متعده‌نک اکثرنجه قبول اولنش ایسه‌ده بولاردن بر چوغنی اصول مذکورک یالکتر قبولیه اکتفا فقط جداً تطبیقی خصوصیه پک‌ده اعتنا ایتمه مکده درلر . اصول مذکورک حقیله تطبیقه رعایت ایدن بر حکومت وارسه اوده شمالی آمریکا جمهوریتیدر . مملکت مذکورده بودجه‌نک سه مالییه ابتدایی اولان برتموزدن اول تصدیق ایدلمه‌سی نوادر دندر . آنجق قاعده مذکورده‌نک تأمین تطبیقی تأمین ایدله‌جک اسبابک وجودنی نظردفته آلمق لازمدر . برتموزک سه مالییه مبدأ اتخاذی قونفرجه یالکتر مصارفات بودجه‌نک تصدیقه اکتفا اولنمی و تخصیصاتن بر قسمک دائمی اولماسی و خصوصیه بودجه مذکورک غایت سرعتله اجرایی اشبو قاعده‌نک طرز تطبیقی تسبیل ایتمکده در .

مملکت سائرده ایسه اسباب مذکورده‌نک جمله‌سک بولنه مالماسی و بالخاصه بعض موانعک حلوانی قاعده مذکورده‌نک تمامی تطبیقه میدان ویرمه مکده در .

بودجه‌نک دوره مالییه‌نک حلولندن اول تصدیقی اصولک رسماً قبول فقط قطعاً تطبیق اولنمادی بر مملکت وارسه اوده انکله دردر . حتی بوعدم تطبیق مذکور اصولک انکلیز لرحه قبول ایدیلوب ایدلمدیکی خصوصنده بر چوق مناقشینی بادی اولمشدر . آنجق ۱۸۸۷ سنه‌نده عوام قمارده‌سند قرائت ایدیلان

مستر « روثنيان » ك راپورى و « مهى » ك قوانين و امتيازات نامنده كى اثرى بو بابه ترده محل براقه مقده در .

آلمان ايمپراطورلى، آلمانيا حكومت متحده سى، آوستريا . اسپانيا، ايتاليا، بايجقا . فرانسه و ممالك ساثره نك اكثرند قاعده مذكوره اساس اعتباريله قبول ايدلش ايهده تماماً تطبيقه امكان حاصل اوله مديتدن اسكى بودجه نك تمديدى، على الحساب تخصيصات اعطاسى و موقت بودجه قبولى اصوللرندن برينه مراجعه مجبوريت حاصل اولمقده در . بوجبوريت نظير دقته آلدني جته ممالك مذكوره قوانينده تدابير مذكوره نك طرز تطبيقى خصوصى تأمل ايدلشد . بو خصوصه رعايت ايتمين حكوماته شمالي آمريقا حكومتلى آرمنده بك نادر اوله رق تصادف ايدلكددر . بو صورتله حركت ايدن ممالكده اكثر يا برسه تخصيصاتى نهايت بولدينى حالده يكي بودجه قوه تشريعيه قبول و تصديق ايديله مديكندن مأمورين، متعهدين و مقرضلر مطلوبلرينك استحصالى خصوصنده مدت مديده انتظار مجبوريتنده قلمقده درلر . آنحق بوكي يولسز نقله حكومات معظمه ده ميدان و براهه چكى طيعدر .

بو يولده استثناء تشكيل ايدن كوچوك حكومتار بر طرف ايديله چك اولورسه بودجه نك سه ماله استدا سنده عدم تصديق حائده اتحاد اوله چق تدابيري تعين ايدن قوانينى و بناء عليه بو قوانين ايله اداره اونان حكوماتى اوج صنفه تقسيم ممكندر :

اولا، اسكى بودجه نك تمديدى حقنى قوه اجرائيه توديع ايدن قوانين ثانياً، على الحساب اعطاسى تخصيصات اصولنى ترويج ايدن قوانين ثالثاً، موقت بودجه اصولنى قبول ايدن قوانين .

۱

نوردم نك تمديري حقنى قوه اجرائيه توديع ايدن قوانين
قوانين مذكوره نك قوه تشريعيه نك لينده اولماديني اوله بيان اولمشدى .

بوقوانینه باخاصه حکومت اجرائیه‌نك قوه تشریعیه‌دن زیاده حائز نفوذ اولدینی ممالکده تصادف ایلمکده‌در . بوعنقده اسپانیا ، شالی آمریقا و آلمانیا هیئت متحده‌سه داخل بعض حکومتلره تصادف اولمقده‌در .

اسپانیا — ۱۸۷۶ تاریخی اسپانیا قانون اساسی بواصولك تطبیقی شوصورتله تصریح ایلمکده‌در : « اگر سنه اقتصادیه ابتدائیه بودجه‌نك تصدیق ممکن اولمادیسه سنه سابقه بودجه‌نك تطبیقه دوام ایدیله‌جکدر . آنجق مذکور بودجه تطبیق ایدیله‌یلمك ایچون اوجه قورئس مجلساری طرفدن تصدیق وقرال طرفدن تصویب ایدئش اولماید . »

اکثریا قایینه قانون اساسینك بوماده‌سنن بالاستفاده بودجه‌نك تمیدینه غیرت ایتدیکندن اسپانیاده ایکی سنه دوام ایئتس بودجه‌لره تصادف نادر ائدن دکلدر .

آلمانیا هیأت متحده‌سه داخل اولان حکومتلده بودجه‌نك تمیدی خصوصی باخاصه تکالیفك امر تحصیل خصوصنده نظر دقته آلمشدر .
 باویه‌راده قانون اساسی قوه اجرائیه‌یه « احوال خارجیه فوق‌العاده مناسبیه قرال مجالس عمومییه بودجه‌نك مذاکره‌سه مخصوص طقوز آیلق دوره مخصوصه ظرفده جمعه موفق اولمه‌مازسه تکالیف مصدقینه آلتی آی مدتله تحصیل دوام حقنی حائزدر . » صورتنده بودجه‌نك تمیدی ایچون اعطای مساعدیه ایلمکده‌در .

ساقونیاده ایسه ایکی نقطه نظر دقته آلمشدر :

اولاً ، قوه تشریعیه تخصیصات لازمه‌یه رد ایدر و یاخود مجالس عمومیه طاعیدش بولنورسه حکمدار ، سنه مالیه نهایتده رسی غزته‌ده نشر اولنان بر بیاننامه اوزرینه تکالیفك تحصیله دوام حقنی حائزدر .
 ثانیاً ، اگر بودجه تخصیصاتی یوقاریده ذکر اولنان اسبابك غیري برسیده سنه مالیه نهایتده تصدیق اولنه‌مدیه سنه سابقه بودجه‌سی بر سنه مدتله تمید اولنه‌ییلیر . آنجق قرائك بر بیاننامه ایله امر تمیدی اجرا

ایدیللمسی ایچون بودجه نك تصدیق خصوصده اجتماعه دعوت ایدلمش اولان «لاندناخ» مجلسك دوره مالیه نك خاتمدن نهایت اون درت کون اول تحصیلاتك اجرایی خصوصده بر قانون موقت قبول ایتمش اولماسی و یا خود احوال فوق العاده مناسبتیه مجلسی اجتماعه دعوتیه امکان بولنماسی لازمدر.

باد بیوک دوقه لغتده ایسه مجالس عمومی طاعیدلینی و یا مذاکراتك بر نتیجه عدم اقتراعی تقدیرنده دائمی اولیان تکالیفك آئی آئی مدته تعجیلی اساسی قبول ایدلمشدر.

۲

علی الحساب تخصیصات اعطاسی اصلنی مروج قراینی

بوصفه داخل اوله رق یا لکتر انکلتره حکومتیه تصادف اولنقددر. آنجق انکلیز اصول مالیه سی تدقیق ایتمزدن اول، مملکت مذکورده حکومت سائر طرفدن قبول ایدلمش بودجه اصولیه موافق بر بودجه بولنمیشنی نظر دفته آلمق لازمدر.

انکلتره بودجه سی ایکی قسمدن مرکبدر :

برنجیسی، (appropriation act) دینلن محضات قانونیدر که محضات دائمی اولیان مصارفاته لازم کلن تخصیصاتی تعیین ایتمکدهدر. ایکنجیسی (finance act) دینلن مالیه قانونیدر که تکالیفك اصلاحی خصوصده بعض مواد شامل اولدینی کی واردات رسمی (income-tax) و جای اوزرینه موضوع کمرک رسمی کی بعض تکالیفك تحصیل خصوصده قوه اجرائیه مساعدده ویرمکدهدر. فقط بوا یکی قانون قوه اجرائیه طرفندن عوام قمارده سنه هان دائمی دنیله جک بر صورتده سنه مالیه ابتدایی اولان نیساندن سوکره تودیع و آنجق تموز و یا آغستوس آیلری ظرفده تصدیق ایدلمکدهدر. حالوکه بوا یکی قانونك بوصورتده دوره تطبیقه ائساننده تصدیق تخصیصات و تحصیل تکالیف حقتده پارلمنتونك سنه مالیه ابتداسندن

اول مساعدت اعتباراتی خصوصی خدو صندد انکیز لرجه ده قبول ایدیلن قاعده مالییه منقیدر . (۱)

مضارفت تعید و تأدیسی و وارداتک تحصیلی خصوصندد مساعدت مقدمه قاعده سنک انکترده طرز تطبیقی تدقیق اید بیلیمک ایچون تکالیفک تحصیل و تخصیصک صورت قبولی خصوصلری آیری آیری نظر دفته آلتق لازمدر . ۱ ، تکالیف — انکترده تکالیف همان دائمی اولدیقندن مساعدت مقدمه قاعدسی عددی محدود برقچ تکلیف سنوی حقندد جاریدر . تکالیف سنویه « واردات ویرکوسی income tax » ایله چای اوزرینه موضوع ادخالات رسندن عبارتدر .

واردات ویرکوسنک امر تحصیلی مالییه قانوننک تعجیل تصدیقه محل ویرمه مکدهدر ؛ چونکه سنه مالییه نیسان ابتداسندد باشلا دیقی حالده ویرکوی مذکورک تحصیله آنحق قانون نانی اوائلندد ابتدار ایدلیمکدهدر . بناء علیه ورقه اخباریه لریک مکافیه ارسال ایدلیمکی صردده مالییه قانونی عوام قماره سنجه هر حالده تصدیق ایدلش بولنمکدهدر .

چای اوزرینه موضوع ادخالات رسمنک تحصیلی ایسه انکترده تطبیق ایدلیمکده اولان بر اصول سایه مند قولایجه دائرة امکانه کیرمکدهدر . اصول مذکور موجبجه تکالیف جدیده احداث و یاروسوب موجوددنک تعدیلی خصوصندد مالییه ناظرینک تکلیفی عوام قماره سی مالییه قومیسونی دیتک اولان « طرق و وسائط قومیسونجه — Committee of Ways and Means » قبول اولدیغی تقدیرده مأمورین مالییه تکلیف مذکورک پارلتو طرفندن تصدیقه انتظار ایتمکسزین تعرفه جدیده موجبجه تحصیلاته ابتدار ایتمکدهدر لر .

هر نه قدر طرق و وسائط قومیسونی تکالیف خصوصندد برقرار اتحاد ایدلیمکی صردده تحصیلاتک زمان اجرایی مین حقنی حائر ایسه ده قومیسون

[1] E. May, Traité des lois et Privileges

بوحقندن، آنحق تکالیف ویا تعدیلات جدیده مذاکرات عمیقتهنی اتاج ایدمک ایسه، استفاده اتمکده؛ تکالیف عادییه ویا تعدیلات جزئییه انجون تعرفه جدیدنک بلا اضاعه وقت تطبیقه مساعده اتمکده در.

فقط موافق قانون اولمیان برتحصیلات بالاخره پارلمنتو طرفدن تصدیق وقرال طرفدن تصویب اولنان برقانون واسطه سیله دائره مشروعیته ادخال ایدلمکده در.

انکتردهده بواسوولک تطبیقنی تأمین ایدن ایکی سبب وارد در: اولاً مسائل مالییه عوام قماره سی حاکم حقیقی اولوب لوردلرک قوانین مالییه نی رده حق لری یوقدر.

ثانیاً، طرق ووسائط قومیدیونی بررئیس مخصوصک تحت ریاستده انتقاد ایش عوام قماره سی هیئت عمومیه سندن باشقه برشی دگدر.

بناءً علیه عوام قماره سدنک برشکل دیکرده مجتمع صورتندن عبارت اولان طرق ووسائط قومیدیونی مقرراتنک تطبیقده برمحذور یوقدر.

عوام قماره سنجه قبول فقط هیئت عمومیه سی اعتباریله لوردلر طرفدن رد ایدلش اولان ۱۹۰۹ - ۱۹۱۰ مالیه قانونی بوسنه برطاقم مشکلات تحدته بادی اولمدر. قانون مذکورک ردی اوزرینه فرقه مخالفه رؤسای و لوردلر حکومته مراجعه ایکی برقانون مالی تنظیمی تکلیف ایشلرایسه ده بوایده حکومتک موافقتی استحصال ایدمه مشلردی حالوکه طرق ووسائط قومیسو تبحه قبول ایدلش اولان لایحه قانونیه موجبجه اون بر تکلیف جدیدک تحصیلته ابتدار اولنش. وقانون مذکورک تصدیقندن لوردلرک امتناعده اصراری اوزرینه تحصیلات واقعه نک دائره مشروعیته ادخالندن اول پارلمنتوی طاغته، لغو کورولمادی.

بوصورتله مکلفین تکالیف دائمیهنی تعرفه جدیده موجبجه و تکالیف سنویهنی ایسه قطعاً تأدییه مجبور دکل ایدیلر؛ حکومت ایسه مصارف عمومیه نک تأدییه سنه الزم مبانی آنحق ۱۹۰۹ مخصصات قانوننک کندینه

ویرمیش اولدینی حق استغراض سایه‌سندده ایده بیلورودی .

ایلك نظارده بحران مذکورك ضرر خزینہ یی موجب اولدینی ظن ایدلمشدی . فقط حقیقتده ضرر بك جزئی اولمشدر . بوخاله سبب اساساً مكلفینك بحران سیاسی و حكومتك محاط اولدینی مشكلات حقوقیه اصالاهمیت ویرمه‌ملری و قوؤ اجراییه‌نك تعقیب ایده‌جکی مالك حقدده کی بیاننامهنك نشری اولمشدر .

بویاننامه موجبجه ، انتخابات لیبراللز لهنده نتیجه‌لندیکی تقدیرده حكومت عوام قمارده‌نه یکی بر قانون تكلیفیه لوردلر طرفدن رد ایدیلن باجمله تكالیفی تصدیق و تحصیلاتی دائرة مشروعیته ادخال ایله‌جکی وعد و مكلفینی عوام قمارده‌نجه قبول ایدیش تكالیفی تأدییه دعوت ایلورودی . فقط حكومتك وضعیتی تسهیل ایدن سبب حقیقی فرقه مخالفه‌نك ، انتخابات نتیجه‌سندده موقع اقتداره كله‌جك اولورسه تحصیلات واقعه‌یی دائرة مشروعیته ادخال ایتدیره‌جکی حقدده کی بیاناتیدر .

مكلفین ، انتخابات نتیجه‌سندده موقع اقتداری اشغال ایده‌جك فرقه‌نك عوام قمارده‌نجه قبول ایدیلن تكالیفك استقبال ایچون رد ایدیش بیله اوله‌نه‌ مالیه ایچون استیفا‌نه ساعی اوله‌جنی حقدده کی بیانات قارشوسنده حكومتك دعوتنه اجابه‌ مجبور اولمشلردر .

۲ مشخصات سنویه -- مشخصات سنویه ایله تأمین ایدیلن خدمات عمومییه تأید مصارف قوؤ تشریعه طرفدن مشخصات قانوننك قبولیله تصدیق ایدلمكده‌در . آنحق قانون مذکور اکثریا سنه‌مالیه‌نك دردنجی و یابشچی آیلری طرفنده تصدیق ایدیله‌بیله بیلدیكندن دورؤ‌مذ‌كوره ظرفنده خدمات عمومییه‌نك تأمین ایچون حكومه مساعدده خصومییه (Autorisation partielle) اعطاسنه مجبوریت کورولمكده‌در . فقط بو باده‌مالك سائرده‌مرعی اولان موقت بودجه اصولی یرینه‌علی‌الحساب اعطای تخصیصات اصولی ترجیح ایدلمشدر .

انكليزلرجه قبول اولنان مساعدۀ خصوصيه اضوائى آكلایه بيلمك
ايچون عوام قماره سنجه تخصیصات اعطاسی خصوصندكى تكلیفی
عوام قماره ی تخصیصات سنویه قومیسونی (Committee of supply)
طرفندن تدقیق وخصصات سنویه ایله تأمین ایدیلن خدمات عمومیه
ایچون انزم اولان تخصیصات سنویه قبول ایدیلیر ؛ بعده عوام قماره سی
طریق ووسائل قومیسونی صورتندۀ اجتماع ایدۀرك تخصیصات مذکورہ
دائرہندۀ اجرا ایدیلہك مصارفہ انزم مالئی وارداتك حیثت بمومبہندن
تفریق ایله صرف ایلمی خصوصندۀ حكومتہ اعطای مآذونیت ایلر .

بو ایكى عملیہ نتیجہندۀ تنظیم اولنان لایحہ قانونیہ (Consolidated
fund act) ایسہ اوچ دفعہ قرائتدن صوکرہ قبول ایدیلیر .

علی العموم تخصیصات سنویهك قبول وطرز اعطاسی خصوصندۀ
متخذ اصول معلوم اولنجه غنصات قانونك فقدانی تقدیرندۀ مساعدۀ
خصوصیه اعطاسی ایچون نہ صورتندۀ حرکت ایدلديكنی تدقیق نمکندر ؛
انقض بو تقاعدہ دخی مصارفات عسکریہ و بحریہ ایله مصارفات مالکیہ ی
تفریق لازمدر .

مصارفات عسکریہ و بحریہ - مصارفات عسکریہ و بحریہ خصوصندۀ
علی العموم مختصات قانونلرنجه قبول ایدلمش بر قاعدہ موجبہ بحریہ
و بحریہ ناظرلری پارلمتو طرفندن کنديلرینہ اعطا اولنان تخصیصاتی بر
دیگریہ نقلہ صلاحیتداردرلر ؛ بناء علیہ مارت نہایتلرنندۀ ہر ایكى نظارت
بودجہ نری فصللرنندن بر قانچك قوہ تشریعیہ جہ قبولی ناظرلر ك نقل تخصیصات
صلاحیتلری سایہندۀ خدمات مذکورہك تأمین اجرا سہ بر مدت ایچون
کافیدر . مع مافیہ ہر سہ مارت نہایتدن اول افراد بحریہ و عسکریہ معینات
سنویہ لرینہ انزم تخصیصاتك پارلمتودن آیریجہ طلب ایدلمی عادت اولمشدر .
تخصیصات مذکورہك اعطاسی خصوصندۀ ایسہ عوام قمارہ سنجه علی العموم
تخصیصاتك اعطاسی خصوصندۀ یوقاریدہ نقل اولنان اصول تعقیب ایدلمکدودر .

مصارفات ملکیه - مخصصات قانونک قبول و تصدیقه قدر مصارفات ملکیه نك تأمین اراضی علی الحساب تخصیصات اعطاسی صورتیه تأمین ایدلکده در. آنجی حریه و بحریه ناظر لرینک غیریلری تخصیصاتی ، بودجه لرینک بر فناندن ابر فاصله نقل صلاحیتی حائز اولدقلرندن هر فاصله عائد مصارفک آریجه تدقیق و تصدیق لازمدر. بناءً علیه عوام قاردهسی تخصیصات سنویه قومیسونی تدقیقاتی ا. کمال ایدلکدن سوکرده مصارفات مذکور دنک مجموعی ایچون حکومت علی الحساب بر مقدار مبلغ اعطاسی تکلیف ، طرق و وسائط قومیسونی مبلغ مذکورک واردات عمومیه دن تفریقته مساعد و پارلمنتونک هیئت عمومیهسی تخصیصات مقرردهنک صرفی خصوصنده حکومت مآذونیت اعطایلر. اساساً پارلمنتو طرفدن اعطای مآذونیت اولندیقنی بیلدیرن قانون (Consolidated fund act) طرق و وسائط قومیسونجه تخصیصات عسکریه و بحریه حتنده قبول ایدیلن تخصیصاتک صرفی خصوصنده دخی مآذونیت ویرمکدهدر .

تخصیصات قانونی (Appropriation act) ایله بروجه بالاذکر ایندیکنر (Consolidated fund act) قانونی یکدیگر نندن تفریق ایدن نقاط بروجه آتیدر: مخصصات قانونی واردات عمومیه دن بالتفریق صرفه مآذونیت ویریلن مبالغک مختص لهنی و اولجه (Consolidated fund act) واسطه سیله تخصیص اولان مبالغک آیری آیری محل صرفی تعیین ایتمکدهدر . حالبوکه (Consolidated fund act) محل صرفی مفصلاً تعیین ایتمکده واردات عمومیه دن بر مقدار مبالغی بالتفریق خدمات عمومیه یه صرف خصوصنده حکومت مآذونیت ویرمکدهدر .

بناءً علیه قانون مذکور سایه سنده مالیه نظارتی تخصصات سنویه ایله اداره اولان خدماتک هر برینه لازم اولاجق مبالغی ایسته دیکی کبی توزیعده صلاحیتدار بولمقدهدر . فقط بو صلاحیت ظاهری اولوب حقیقته امر توزیعک اجرایی ایچون یوقاریده بیان اولدیننی وجه اوزره حریه و بحریه

بودجه لرندن بر قاج فصاك و خدمات عمومیه سائر بودجه لر يك تخصیصات سنویه ایله تأمین ایدیلن بالعموم فصولك قوه تشریعیه جه تصدیق ایدلمش اولماسی لازمدر .

انكلتره جه قبول ایدیلن علی الحساب تخصیصات اعطاسی اصولده نظر دفته آله جق بعض جهات مهمه واردر :

اولا ، علی الحساب اعطا اولنان تخصیصات یالکز سنه سابقه ده قبول و تصدیق ایدیلن خدماتك تأمیننه منحصر بولندیغندن ، بو بابه لایحه قانونیه دن بالاستفاده خدمات و مصارفات جدیده احداثه امکان بر اقلما مقده در . دیگر طرفدن عوام قمارده سی علی الحساب تخصیصاتی قبول ایتمکله خدمات عمومیه نك سنه جدیده طرفنده ده بقاسی خصوصنده تمید آتیه کیرمیوب ، مختصات قتوننك انشای مذا کرده سنده خدمات مذکوره نك ایضا ویا لغوی خصوصنده کی حتی تماماً محافظه ایلمکده در .

ثانیاً ، تخصیصات مذکوره نك اعطاسی خصوصنده لوردلر قمارده سی یالکز عوام قمارده سجه قبول ایدیلن مقادیری تصدیق ایله اکتفایه مجبور اولمقده در .

ثالثاً ، مساعدۀ خصوصیه قانوننك قبولی و مختصات قتوننك سنه مالیه انسانده تصدیق لری انكلتره امورمالیه سی اوزرندن هیچ بر سوء تأثیر حاصل ایلمه میدر . بو حالك اسبابی ایسه قوانین مذکوره نك مناقشه سی انسانده انکلیز پارلمنتوسجه متحد اصولده آزامالیدر .

قوه تشریعیه جه عمومیه حکومتیه بیان امنیت اوئندیغندن بودجه نك انشای مذا کرده سنده حکومت طرفدارانی و فرقه مخالفه اعتناسجه حکومت طرفندن در میان اولنان تکلیفات و مخمناتك تنقیحی طلب اولنیه رق مذاکره مایه بر مناقشه سیاسیه تبدیل و قوه اجرائیه نك مسلکك عمومی صورتده تنقیدیه اکتفا ایدلمکده در . عوام قمارده سك تخصیصاتك عدم ردی خصوصنده کی مالکی معلوم اونجه بانطبع مساعدۀ خصوصیه اصولك

بیونک برعزوری داعی اولیه جنی قولایجه نظامی را یلر. آنجق انکلیز اخلاق و عاداتیه قابل تألیف فقط اصلاً موافق منطق اولیان بواسولک حکومت سائرجه قبولی پکده احتمال داخلندم دکلدر .

۳

موقت بودجه اصرارنی قبول ایرنه قوانین

فرانسه ، بلجیقا ، ایتالیا ، آلمانیا ایپراطورانی ، پروسیا کی حکومتلر عمومی بودجه نك ، دوره مالیه نك حلونندن اول عدم تصدیقی تقدیرنده موقت بودجه قبولنی اصول اتخاذ ایلشدر .

فرانسه

فرانسه ده بودجه نك سنه مالیه نك مبدئ اولان کانون نانی ابتدا سنده تصدیق اولتامسی پک نادر دکلدر ؛ حتی بودجه قانوننك بعض دفعه قوه تشریعیه جه آنجق سنه مالیه نك طقوزنجی آیی ظرفنده بیله تصدیق ایدلدیکی ده کورولمشدر . بوتآخر ، بحران سیاسی ویاسائر کبی اسباب مهمه دن زیاده مبعوثلرک اعمالی و باخاچه بودجه نك تدقیق انساننده اجرا ایدیلن اوزون استیضاخلر ، تعدیلات خصوصنده تکلیف ایدیلن لوائج قانونیه نك مذاکره سندن ایلری کلکده در .

بودجه نك تصدیق خصوصنده تصادفی ایدیلن بوتآخرک معاملات مالیه حکومتی سکتهدار ایتمه محل ویرمه مک اوزره موقت بودجه اصولی قبول ایدلمشدر .

هرنه قدر بعض علاقه داران موقت بودجه یه مراجعه مجبوریت حصولی سنه مالیه مبدئ نك کانون نانی ابتدا سنده اولمانه و تشرین اولده عقد اجتماع ایدن قوه تشریعیه نك اجرای تدقیقات ایچون درجه کافیه ده وقت بولامامانه حمل ایتمکده ایه لرده سنه مالیه می تموزه نقل ایدلمش اولان ایتالیا ده دخی صیق صیق موقت بودجه لر قبول ایدلمی مدعیات واقع نك پک طوغری اولمادیقنی کوسترمکده در .

موقت بودجه اصولك بالعموم ماليون طرفندن تكرار ايديلن
 حاذير متعدده سی آرئنده بالخاصه جالب دقت نقاط، اصول مذکورك
 دفتر حاسبه ك منتظم صورتده ترتیبی و یکدیگرینه تماماً تقابل ایتین
 واردات و مصارفات یوزندن بودجه لرك تطبیقی اشکال ایتیدر. فی الحقیقه
 موقت بودجه قانونی واسطه سیاه تخصیصات موقته طلب اولئدنی ضررده
 احتیاجات مستقبله نظر دفته آلتقده واردات خصوصده ایسه سنه سابقه
 تخصیصاتی اساس اتخاذ ایدلمکده در. بواصول ایسه واردات ایله مصارفات
 آرئنده توازن لرك خصوصه بادی اولتقده در.

فرانسه ده موقت بودجه قانونی ایکی قسمدن مرکبدر.

برنجی قسمده، قوه تشریعه بالاخره تصدیق ایدیه جك عمومی
 بودجه قانونی تخصیصاتندن محسوب ایدلمك شرطیه سنه مایه ك برنجی ویا
 آتی تعقیب ایله جك آیلری ایچون حکومته تخصیصات موقته اعطا
 ایتکده در.

ایکنجی قسمده ایسه عینی دوره طرفنده تکالیف و واردات عمومیه ك
 تحصیلی خصوصده قوه اجرائیه مأذون بر اقل مقده در.

تکالیف و واردات عمومیه ك تحصیلی خصوصده کی مأذونیت تکالیف
 و واردات ك تحصیلی خصوصده نظر دفته آله جق جهت عمومی بودجه
 قانونی ایله موقت بودجه قانونی آرئنده قیمت حقوقیه اعتباریه برفرق
 بولنماسیدر. هرایکی قانون ایله امر تحصیلی هر سنه مأذونیت اعطائی
 موجب اولان رسوم و تکالیف ك تحصینه مساعد ایدلمکده در. بوضورتله
 تحصینه مساعد اولنان رسوم و تکالیفی بالواسطه ویا بلاواسطه تحویل
 اولتالری اعتباریه تدقیق اینك لازمدر.

موقت بودجه قانونی بالواسطه آلتان تکالیف ك تحصینه آتیق دوره
 تطبیقیه سی طرفنده مساعد ایلدیکندن قوه تشریعه جه متعدد موقت
 بودجه قانونلری قبول ایدلجکه مساعد مذکور دك ده تکراری لازم

گنجد در . بلا واسطه آنان تکالیف همچون ایسه ایلک موقت بودجه قانونیه ویریلن مساعدت بتون سنیه تأید در .

هرایکی قسم تکلیفک تخصیصه مساعدت خصوصنده کوریلن بوفرقت بلا واسطه آنان تکالیفک تحصیل خصوصنده متخذ اصولن ایلری گنجد در .

معلوم اولدیی اوزره فرانسر قانون اساسیی موجبجه بودجه قانوننک موقع تطبیقه وضع اولنه جنی تاریخندن یعنی سنه مالیه ابتداسندن اون دوت آی قدر اول قوه اجرائیه طرفندن مجلس مبعوثانه تودیع ایدیی لازمدر . بوسورتله تودیع اولنان لایحه نك بلا واسطه آنان تکلیفه عائد اقامی . بوبابده کی تدابیر اصلاحیه و تبدیلات ایله تاریخ تودیعدن یدی . کز آی حکمره یعنی سنه مالیه ابتداسندن اولکن تموز آی طرفنده تصدیق ایدلمکده در : بناءً علیه بلا واسطه تکالیفک تحصیل خصوصنده موقت بودجه قانونیه حکومت ویریلن مساعدت اولجه قبول ایدلش بر قانونک موقع تطبیقه وضعه تأید قائلده در .

مصارفه تأید مأذونیت - مصارف خصوصنده موقت بودجه قانونی ده عمومی بودجه قانونی کبی بالعموم مصارفنک تأدیه و بضیئک اولاه تمهد وبالاخره تأدیه سی خصوصنده حکومت مأذونیت ویرمکده در .

موقت بودجه قانونی تصدیق اولنمادجه مأمورین حکومتک ونظارک مصارف خصوصنده تعهداته کیرملری وتادیات اجرا ایللری قطعاً منع ایدلشد .

مصارفئک تأدیه وبرقم مصارفک اولاه تمهدوبعدت تأدیه سی خصوصنده ویریلن مساعدتده نظر دفته آله جق اوج جهت واردر :

اولا ، صرفیات خصوصنده قوه تشریعیه طرفندن ویریلن مساعدت بر ، ایکی ، اوج الح آی منحصراً اولدیغندن مدت معینه نك اقتضاسنده صرفه مأذونیت ویرلش مبالغ صرف اولنماش بیه اولسه بوبابده کی مساعدت

اعمیتی غالباً پیش اولدیندن صرفیات خصوصند یکیدن مساعد استحضاته لزوم واردر ؛ برده موقت بودجه ایله صرفیات خصوصند ویریلن مساعده عمومی بودجه نك قبول اولدینی تاریخدن اعتباراً کأن لم یکن حکنده قلمنددر .

ثانیاً ، موقت بودجه قانونی موجبجه قبول اولنان تخصیصات آنحق ابتدا ایله جك سنه حسابیه صرفیاتنه عائد اولدیندن تخصیصات مذکورده ایله سنه سابقه مصارقاتی تأدییه جائز دکلدر .

ثانیاً ، مساعده موقته خدمات عمومی نك بر ، ایکی ویا اوچ آی ظرفنده تماماً تأمین تدویننه مقتضی مبالغه صرفتی بر ماذونیت نامه اولیوب « . . . آی ظرفنده صرف ایدمك اوزرد ناظر لره . . . تخصیصات اعطاء اولمشدر » صورتند ویرلمکدهدر . بویه جه مبالغه مذکور خار جند حکومت یکی تعهدات آتیه کیرمنه امکان بر اقلما مشدر .

موقت بودجه ده نظر دفته تصادف ایدن دیگر برجیت ده تخصیصاتك عمومی بودجه ده اولدینی کی مختلف فصللره تقسیم ایدلمکده هیئت عمومییه قبول ایدلمیدر . بوضورتله قبول اولنان تخصیصاتك دوائر مختلفه حکومت آردسند توزیعی قوّه اجراییه عائددر مع مافیه اشوب تخصیصاتك حکومتك طلبی اوزرینه قوّه تشریعیه طرفندن بالاندقیق قبول ایدلمکده کی خن اتمه مایددر حکومت موقت بودجه نك دوره تطبیقه سی انساننده احتیاجاتی مقتضی مبالغی طویدن طلب ایلمکله برابر بودجه قومیسوننه تودیع ایلدیکی منفصل بر راپور واسطه سیله خدمات عمومیّه مختلفه نك مستوجب اولدینی مصارف حقنده ایضاحات اعطاسنه مجبوردر . مع مافیه قوّه اجراییه ایله قوّه تشریعیه آردسندده ییوده مناقشات محل ویرمه نك اوزرد الحاله هنده تخصیصات موقته مقدارینك حکومتك راپوری اوزرینه مجلس مبعوثان بودجه قومیسونی طرفندن تعیینی اساس قبول ایدلمشدر .

موقت بودجه مخمناتك تعیین مقداری حقنده متخذ اصولك

بالخاصه جانب دقت جهت ترید صرفیات خصوصیه پارلمنتو طرفندن
 اوجه قبول ایدنش بر قانون بولندینی تقدیرده تخصیصات موقته نك سه
 سابقه مصارفاتی اوزرینه حساب ایدنشك اساس اتخاذ اولماسی و حكومتك
 مصارف جدیده اختیاری موجب اوله جق تكلیفلیرنك عمومی بودجه نك زمان
 مذاکره سه تعاقیدر . بونكه برابر حكومتك یكی تكلیفلیری حقده قوه
 اجرائیه ایله قوه تشریعیه آردسند ائتلافی حاصل اولدینی تقدیرده
 مصارفات جدیده نك موقت بودجه یه ادخالی ممكندر : فقط هیئت اعیان
 مصارفات جدیده نك بوصورتله قبولی خصوصندن ممكن اولدینی قدر
 اجتناب اینكده در .

ثالثاً ، تخصیصات موقته نك اوجه قبولی هیئت اعیانك عمومی بودجه نك
 مذاکره سی ائسانسده تخصیصات مذکوره ایله تأمین ایدیلن برقم خدماتی
 لغو و یا ترید خصوصیه کی حتی ابطال ایله مکده در .

بلجیقا ، ایتالیا ، پروسیا و آلمانیا امپراطورلنی . موقت بودجه
 خصوصیه فرانسه لرحه قبول ایدیلن اصول اوردیا حكومتك اكثری
 طرفندن بیان اولدینی اوزره تعدیلاتله قبول ایدلشد .

بلجیقا - موقت بودجه اصوله مراجعت بلجیقاده عادت حكومه
 گیرمشدر بو مملكتده بودجه نك سه مالیه ابتداسندن اول تصدیقی یوق
 کیدر . بعض سنه لرده ایسه حكومتك سه مالیه نك اون بر آخی بيله
 موقت بودجه ایله کچیردیکی کوروشلدر . (۱۹۰۲ سنه سی) عمومی
 بودجه نك تصدیقده کوریلن بو تأخر قارشینده موقت بودجه اصولك
 بعض تعدیلاتله تطبیقه ابته دار ایدلشد .

بلجیقا پارلمنتوسنجه متخذ اصول موجبجه بودجه مذاکرانه ابته دار
 اولدینی سرده ابته واردات بودجه سی تدقیق و سه حسابیه نك حلولندن
 اولی تصدیق ایدلمکده . بناء علیه یانکتر مصارفات ایچون موقت بودجه یه
 مراجعته لزوم حس اولمقده و « تخصیصات موقته قانونی » نامده بر قانون

ایله حکومت ایتدار ایله جك سنه حاییه معارف عادیسه محسوباً
تخصیصات موقته اعطا اولمقدردر. تخصیصات موقته قانونی فرانسزلرك
موقت بودجه قانونندن نقاط آتیهدده آیرلمقدردر:

اولا، تخصیصات موقته قانوننده، موقت بودجه قانوننده اولدینی کی
تحدید زمان قیدی موجود دکلدر.

ثانیاً. تخصیصات موقته قانونی تخصیصاتك نظارتلر آردسند
صورت توزیعی تعیین وقبول ایدیلن تخصیصاتك سنه سابقه تخصیصاتی
تجاوز اتمه می خصوصنده دیوان محاسباتك نظارتی تأمین ایلکددر.

ثانیاً. تخصیصات موقته قانوننده حکومتك بالآ خره تکلیف ایله جکی
بودجهلرك تولید ایدیه جکلری مصارفاته عائد تخصیصاتك ده ادخلی ممکندر.
فقط قوه تشریعیه، حکومت طرفدن تکلیف ایدیه جك بودجهلرك انسانی
مذاکره سنده بونلری رد حقنی ده تماماً حائزدر.

ایتالیا - ایتالاده بودجه اساسی اعتباریله برطاقم مخمنات جدوللرینك
هیئت عمومی سندن عبارت اولوب هر نظارتك بودجه سی و حکومتك
واردات عمومی بودجه سی قوه تشریعیه طرفدن آیری آیری قبول و تصدیق
ایدیلکددر.

پارلمنتونك تعطیل، عدم انعقاد و یا طاعیدلسی مناسبیله مخمنات جدولاری
سنه مالییه نهایتی اولان اوتوز حزریراندن اول تصدیق ایدیه جك اولورسه
حکومت بر موقت بودجه قانونی تنظیم وقوه تشریعییه تودیغه مجبوردر.
قانون مذکور تصدیق ایلدیکی صروده قوه تشریعیه بر قاچ آی
مدته وارداتك تحصیل و مصارفاتك اجرای خصوصنده حکومت هاذونیت
اعطا فقط عینی زمانده تعقیب ایدیه جکی خط حرکتی ده اراؤه ایلکددر.
تحقیقات موقته مقدارینك تعینی وموقت بودجهك دوره تطبیقه سنك
تحدیدی خصوصنده مطرد بر اصول جاری دکلدر: مخمناده بعضاً ایتدار
ایله جك سنه جدیدده بودجه سی مخمناتك اساس اتخاذه بعضاً ایسه سنه

سابقه متعارف است عیناً قبولی تجویز ایدلمکده در دوره تطبیقیه به کلنجه بعضاً متن قانونده مندرج بر ماده مخصوصه ایله دوزر مذکوره تعیین و بعضاً ایسه در دست مذاکره بودجه لک تصدیق زمانه قدر تمذید ایدلمکده در . هر حالده عمومی بودجه نك مواد مختلفه سی قبول ایدلکجه موقت بودجه نك عینی موادی اهمیتدن ساقط اولمقده در .

پرویه و آلمانیا — پرویه و آلمانیا نخی موقت بودجه اصولی قبول ایدلمشدر . پرویه ده کانون نانی ابتدایی سنه مالیه اتخاذ اولندی سرلرده موقت بودجه اصولیه متظماً مراجعت ایدیلردی . بو حاله سبب لاندناغ مجلس لر نك تاریخ مذکورده اجتماعنه دعوت و بناء علیه بودجه نی تدقیقه امکان بوله ماماسندن ایلری کلکده ایدی . فقط ۱۸۷۶ سنه سنده سنه مالیه نیسانه نقل اولمش و اوتارینندن بری موقت بودجه قبول نه پك نادر اولدورق مجبوریت واقع اولمشدر . شدیکی حالده هر نه سیله اولورسه اولسون سنه مالیه ابتداسندن اول بودجه نك تدقیق و تصدیقه نهایت ویریه منزه بر ماده مخصوصه واسطه سیله عمومی بودجه یه مندرج تخصیصاتی تجاوز ایتمهك شرطیه صرفیات اجراسنه دوام خصوصنده حکومت . مأذونیت ویرلمکده در .

ایمراطورلق بودجه سنده نخی عینی اصول تعقیب ایدلمکده در . مذکور بودجه ده نخی جالب دقت نقله امر تصدیق خصوصنده کی ناخراتک کنیر الوقوع اولمیشدر .

احمد رضا

